



Na osnovu člana 39. Statuta Općine Zavidovići ("Službeni glasnik općine Zavidovići" broj: 5/08 i 5-a/08) i člana 6. Kriterija za utvrđivanje raspodjele sredstava na Tekućem transferu za mlade u Budžetu Grada Zavidovići u 2023.godini, broj: 02-04-1525/23-AP-3 od 26.06.2023.godine, Gradonačelnik Zavidovići raspisuje

JAVNI POZIV

za raspodjelu sredstava na Tekućem transferu za mlade u
Budžetu Grada Zavidovići za 2023.godinu

I

Pravo učešća u Javnom pozivu za raspodjelu sredstava na Tekućem transferu za mlade u Budžetu Grada Zavidovići za 2023.godinu imaju: omladinska udruženja građana – nevladine organizacije koje su registrovane i imaju sjedište na području grada Zavidovići i nalaze se u evidenciji omladinskih udruženja Službe za upravu društvenih djelatnosti, pitanja boraca i opću upravu Grada Zavidovići.

II

Sredstva planirana na Tekućem transferu za mlade u Budžetu Grada Zavidovići za 2023.godinu u visini od 8.000,00 KM bit će korištena za sufinansiranje projekata omladinskih organizacija u oblastima: promocije volonterizma i aktivizma, očuvanja okoliša i životne sredine, promocije prirodnih i turističkih potencijala grada Zavidovići, njegovanje kulturno historijske baštine grada Zavidovići, podrška organizovanju humanitarnog i društveno korisnog rada i druge omladinske aktivnosti.

Ostatak sredstava u iznosu od 3.500,00 KM na gore navedenom transferu koristit će se kao sredstva rezerve i koristit će se za realizaciju ciljeva iz Strategije omladinske politike 2018-2023.godine.

Sredstva koja se dodjeljuju putem javnog poziva ne mogu se koristiti za finansiranje sljedećih stavki:

- lične koristi pojedinca – za projekte koji su već odrađeni ili se radi o retroaktivnim zahtjevima. - projekte isključivog druženja članova neke grupe ili udruženja
- troškove prevoza i telefona u iznosu višem od 10% od ukupnog iznosa doznačenih sredstava,
- isključivo troškove putovanja, smještaja, putarine, ekskurzija
- isključive troškove odlaska ili dolaska na edukacije za pojedince ili članove udruženja (učesće na kursevima, seminarima, stipendiranje, kotizacija).
- isključivu nabavku opreme (potraživanja za opremu su moguća u iznosu od 40% od vrijednosti dodijeljenih sredstava i to samo u slučaju kada je oprema neophodna za realizaciju projekta)
- dodjele humanitarne pomoći
- za projekte koji su primarno za unapređenje i promociju religije i politike
- projekte vjerskih institucija-organizacija, političkih partija ili njihovih ogranaka
- zahtjeve za sponzoriranje, reklamiranje, regranting, podrška događajima za namicanje sredstava ili doprinose i velike zahtjeve za sredstvima
- projekte koji promovišu nasilje, mržnju ili bilo koji vid diskriminacije

- kupovine alkoholnih pića
- projekte koji traju duže od 6 mjeseci
- troškove registracije udruženja.

III

Aplikanti imaju pravo apliciranja samo sa jednim projektom na raspisani Javni poziv.

Za odabir i rangiranje projekata utvrđen je Sistem bodovanja. Maksimalni broj bodova je 100, a minimalni 70 da bi projekat bio uvršten u raspodjelu sredstava. Sredstva će se dodjeljivati Zaključkom Komisije shodno traženom iznosu aplikanta.

IV

Projekti sa kojima subjekti iz tačke I ovog Javnog poziva apliciraju trebaju biti dostavljeni na aplikacionim obrascima pripremljenim za ovu namjenu, a isti se mogu preuzeti na Info centru Grada ili na web stranici Grada Zavidovići.

Ukoliko su subjekti iz tačke I Javnog poziva bili korisnici budžetskih sredstava sa Transfera za finansijsku podršku poticanju aktivizma mladih kroz projekte i kroz društveno koristan i humanitarni rad putem javnih ustanova i NVO u 2022.godini, obavezni su priložiti izvještaj o namjenskom utrošku sredstava.

Projekti moraju biti potpisani od strane odgovorne osobe i sa pečatom aplikanta.

Uz projekat se dostavljaju: Original ili ovjerena kopija izvoda iz Registra udruženja, ne starije od godinu dana i kopija Rješenje Ministarstvu za pravosuđe i upravu ZE-DO kantona ili drugih nadležnih organa u BiH o registraciji, te kopije: Uvjerenja o poreskoj registraciji (identifikacioni broj), Ugovora s bankom o otvaranju transakcijskog računa i Bilansa stanja na dan 31.12.2022. godine.

V

Javni poziv ostaje otvoren 20 dana od dana objavljivanja na Oglasnoj ploči i Web stranici Grada.

VI

Prijave sa navedenom dokumentacijom po Javnom pozivu dostavljati na adresu: Grad Zavidovići, Služba za upravu društvenih djelatnosti, pitanja boraca i opću upravu, Ulica Safet-bega Bašagića Zavidovići, putem Pisarnice Grada ili poštom.

Obradio: Muamer Hrvic, prof.
Kontrolisao: Idriz Alinodžić, prof.

Dostavljeno:

1. Oglasna tabla,
2. WEB stranica Grada Zavidovići;
3. U spis.

